

ШЕСТЫИ ЧАС

Приидите, поклонимся (трижды, и поклоны три).

[Псалом 53.](#)

[Псалом 54.](#)

[Псалом 90.](#)

Слава, и ныне. Аллилуия (трижды). Тропарь по уставу.

Аще ли же пост, глаголем сии тропарь, трижды: Иже в шестыи день же и час, на Кресте пригвождён, Иже в рай дерзновенный от Адама грех, и согрешении наших рукописание раздери, Христе Боже, и спаси нас.

Стих: Аз к Богу возвах, и Господь услыша мя.

Стих: Вечер и завтра и полудне, повем и возвещу, и услышит глас мой.

Слава, и ныне, богородичен: Яко не имамы дерзновения, за премногия грехи наша; но Ты, иже от Тебе рождашася, моли Богородице Дево; много бо может молитва Материя, на умоление Владыки: не презри грешных мольбы Всечистая; яко милостив есть, и спасти могши, Иже страдати нас ради изволивши.

Аще ли пост, чтется паремия, и в лестнице: Таже: Скоро да предварят ны щедроты Твоя Господи, яко обнищавом зело, помози нам, Боже Спасителю наш; славы ради имене Твоего Господи, избави нас; и очисти грехи наша, имене Твоего ради. **Трисвятое, и по Отче наш, кондак, по уставу.**

Аще ли же пост, глаголем тропари сия, глас 2: Спасение содея посреде земли, Христе Боже, на Кресте пречистей рuce Своей простер, собирая вся языки вопиющия: Господи, слава Тебе.

Слава. Пречистому Ти образу поклоняемся Благии, просяще прощения прегрешением нашим, Христе Боже, волею бо благоизволил еси взяти на Крест, да избавиши их же созда от работы вражия. Тем благодарящее вопием Ти: радости вся исполнены, Спасе наш, пришедши спасти мир (**поклон великий**).

И ныне. Милосердия сущи источник, милости сподоби нас, Богородице, призри на люди согрешившия, яви яко присно силу Твою, на Тя бо уповаяще: радуйся, вопием Ти, якоже иногда Гавриил, безплотным архистратиг.

Господи помилуй (40). Иже на всяко время. Господи, помилуй (трижды).

Шестыи час

Автор: Павел
22.03.2012 15:03

Слава, и ныне. Честнейшую херувим. Именем Господним благослови, отче. За молитв святых отец наших. И сотворим три великия поклоны, глаголюще молитву: Господи и Владыко животу моему. И прочих метаний (12). И скончавше поклоны, глаголем прежде писаную молитву: Господи и Владыко животу моему. И поклон един. Таже: Владыко Боже, Отче Вседержителю.

Аще ли кроме поста, глаголем молитву сию:

Бóже и Гóсподи сíлам, и всея твáри Содéтелю, Иже за милосéрдие неизречéнных мíлости Твоея, единорóднаго Сы́на Твоегó, Гóспода нáшего Ису́са Христá, низпослáв на спасéние рóду нáшему, и честным Егó Крестóм, рукописáние грех нáших растерзáв, и обличíв тем начáла и влáсти тмы. Сам, Влады́ко Человеколю́бче, приими́ от нас грéшных, благодарный сия моли́твы, и избáви нас от всякаго всегуби́тельного и мра́чнаго грехопадéния, и всех íже озлóбити нас íщущих, вíдимых и невíдимых враг. Пригвозди́ стра́се Твоём плóти нáша, и не уклони́ серде́ц нáших в словеса́ и помышлéния лука́вствия, но любóвию Твоею уязви́ душа́ нáша, да к Тебé всегда́ взира́юще, и е́же от Тебé срéтом наставляеми, Тебé неприкосновéннаго и присносúщнаго зря́ще Свéта, непрестáнное Тебé исповéдание, и благодарéние возсыла́ем, безначáльному Отцу́, со единорóдным Ти Сы́ном, и с Пресвяты́м и Благим и Животворящим Ти Ду́хом, ны́не и прíсно и во веки веко́м, ами́нь.